



## Aningaasaqarnermut Nunanullu Allanut Naalakkersuisoq

### Aningaasaqarnermut Ataatsimiititaliap suliag nr. 01.31.06/06-00188 pillugu tallimanngornermi ulloq 8. september 2006-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 22. august 2006-imi ataatsimiinneranni imm. 2)

### **Ineqarnermi sanaartornermut aningaasaliissutinik taamaatitsineq, aallartitsineq allannguinerlu kiisalu inissianut siunertanut sanaartornermi sillimatinik missingersuutitut sunniuteqanngitsumik nussineq**

#### Naalakkersuisut **inassutigaaat**,

Kontomi pingaarnermi 87.72.13-imi, Immikkut ittumik iluarsartuussinermit tunngasumi, suliassamut nr. 060.97.602-imut, Nuummi B-1245-mik iluarsartuussinermit tunngasumut, -3.784.000 kr.-inik, kiisalu kontomi pingaarnermi 89.72.11-imi, Nammineq inissianik tapiissutitalimmik sanaartornermut tunngasumi, suliassamut nr. 020.37.024-imut, Inissiaq ataatsimut E. Kleistimut aamma T. Hansenimut tunngasumut, -283.500 kr.-inik, suliassamut nr. 060.34.027-imut, Ukkusissani inissianut 10-nut tunngasumut, -5.250.000 kr.-inik aamma suliassamut nr. 080.34.032-imut, Sisimiuni inissianut 9-nut tunngasumut, -4.725.000 kr.-inik agguataarlugit -10.258.500 kr.-inik ikililerinerup kingunerisaanik kontomi pingaarnermi 80.00.10-mi, Sanaartugassanut Iluarsagassanullu Aningaasaateqarfimmit nuutanut tunngasumi, aningaasaliissutit = 14.042.500 kr.-inik ikilineqassasut.

Kontomi pingaarnermi 80.00.72-imi, Inissianik attartortittakkanik tunisaqarnermut tunngasumi, aningaasaliissutit -800.000 kr.-inik amerlineqassasut.

Kontomi pingaarnermi 80.72.00-imi, Inissianut siunertanut sanaartornermi sillimatinut tunngasumi, aningaasaliissutit -3.500.000 kr.-inik ikilineqassasut.

Kontomi pingaarnermi 87.72.25-imi, Inissianik attartortittakkanik ingutserineq inissianillu inuit ataasiakkaat pigisassaannik nutaanik sanaartornermut tunngasumi, suliassamut nr. 050.92.003-mut, Paamiuni inissiarsuarnik ingutserinermit tunngasumut, aningaasaliissutit 3.784.000 kr.-inik amerlineqassasut.

Kontomi pingaarnermi 89.72.11-mi, Nammineq inissianik tapiissutitalimmik sanaartornermut tunngasumi, suliassamut nr. 996.37.054-imut, Nammineq inissianik tapiissutitalimmik sanaartornermut tunngasumut, aningaasaliissutit 14.558.500 kr.-inik amerlineqassasut.

#### **Aningaasaqarnermut Ataatsimiititaliap oqaaseqaatai**

Kontomi pingaarnermi 80.00.72-imi, Inissianik attartortittakkanik tunisaqarnermut tunngasumi, isertitassatut aningaasaliissutit amerlineqarnissaat Naalakkersuisut qinnutigigaat Aningaasaqarnermut Ataatsimiititaliamit maluginiarneqarpoq.

Tassunga atatillugu missingersuusiordermi malittarisassami 2002-meersumi immikkoortoq 9.4 ataatsimiititaliamit issuaavigineqassaaq:

#### ***9.4 Isertitatut aningaasaliissutinik allanngiineq***

*Piffissani aningaasanut inatsisissatut siunnersuutip suliarineqarnerani aningaasanut inatsimmi isertitassatut missingersuutaasut aningaasanut inatsimmi killiliussamik aningaasartuutinik aningaasaqarnikkut tulleriiaariffissamik aalajangiisooqataapput.*

*Taamaalilluni Namminersornerullutik Oqartussat aningaasartuutaannik ukiumoortumik ataatsimut tulleriiaarinerup kingunerisaanik, ukiumi aningaasanut inatsiseqarfiusumi isertitatut aningaasaliissutini allanngiisooqassanngilaq. Allannguutaasinnaasut aningaasartuutini inatsisitigut pisussaaffigisani allannguutit assigalugit Nunatta karsiata naatsorsuutaanut ilanngunneqassapput.*

Tamanna nalinginnaasumik ima kinguneqartussatut naatsorsuutigineqartarpoq:

- Aningaasanut inatsimmi isertitassatut missingersuutitut sanilliullugu isertitassatut aningaasaliissutit allanngorarnerannik Naalakkersuisut malinnaassasut
- Taakku nikerarnissaat naatsorsuutigineqarpat ukiup aningaasanut inatsisip atuuffiata ingerlanerani aningaasaliissutit taakku allanngortinneqarnissannik qinnuteqartoqartassanngitsaq, Naalakkersuisulli tamanna eqqumaffigallugu aammalu qissimigaarlugu aningaasaqarnermik tamakkiisumik aqutsineq aqqissuutissagaat
- Inatsisunik allannguinerit aalajangersimasut kinguneqaatigippatigut ilassutitut aningaasaliissutitut inatsimmi ilanngussat aqutugalugit aningaasaliissutit taakku allanngortinneqarnissaat aatsaat qinnuteqaatigineqartassasaq.

Tunngaviilli taakku akimorlugit isertitassatut aningaasaliissutinik allannguinissamik siusinnerusukkut qinnuteqaateqartoqarlunilu akuersissutiginnittoqartarsimavoq. Tamanna ilaatigut suliffeqarfinni Namminersornerullutik Oqartussanit pigineqartuni aktiaatinik tunisinermit tunniussinermulluunniit atatillugu pivooq. Taamatullu kontomi pingaarnermi 80.00.10-mi, Sanaartugassanut Iluarsagassanullu Aningaasaateqarfimmit nuussinernut tunngasumi, isertitassatut aningaasaliissutinik nutaanik allanngukkanilluunniit akuttunngitsumik akuersissuteqartarnissaq pisariaqarlunilu naapertuuttarsimavoq.

Inissianut siunertanut sanaartornermi sillimmatit amerlineqarnissaat siunertaralugu isertitassatut aningaasaliissutit siuliani taaneqartut 800.000 kr.-inik amerlineqarnissaat Naalakkersuisut suliami matumani ilaatigut qinnuteqaatigaat. Siunertamut tamatumunnga aningaasartuuteqarnissaq taanna Aningaasaqarnermut Ataatsimiititaliamit ajoriffissaqartinneqanngilaq.

Missingersuusiornermili malittarisassami immikkoortoq siuliani issuaavigineqartoq naapertorlugu pingaarnertut tulleriiaarineq akimorlugu isertitassatut missingiinernik tassangaannartumik allannguinerit aammalu isertitassanik nutaamik missingiinerit ilassutitut aningaasaliissuteqarnissamik qinnuteqaateqarnermik kinguneqartariaqartut akornanni qanoq killiliisoqartariaqarnera pillugu Naalakkersuisut naliliinerannik pissarsisinneqarnissani ataatsimiititaliap kissaatigaa.

Tassunga atatillugu isertitassatut aningaasaliissutinik allannguinerit ukiumi aningaasanut inatsisip atuuffiata ingerlanerani pisarnissaannik akuersiinnartoqartalissappat isertitaqarnerunissamik piffissaq sivikitsaq eqqarsaatigalugu naatsorsuutiginninnertik tunngavigalugu Naalakkersuisoqarfiit sippuillutik missingersuusiunngikkunik immikkoortuni allani aningaasaqarnikkut pisussissaatut sukangasumik aqutsinngitsoornissaat aarleqqutigineqarsinnaasooq ataatsimiititaliamit tikkuaffigineqassaaq. Isertitassatut missingikkat eqqutinngitsorpata tamanna sippuilluni atuinermik kinguneqaratarsinnaavoq. Taamatuttaarlu taama periuseqarneq ilanngaattissat ilanngaatigereernagit periuseqarnissamik

missingersuutit pillugit inatsimmi § 4, imm. 3-mi anersaarineqartumut immaqalu oqaasertanut akerliuvoq.

Kontomi pingaarnermi 80.00.72-imi, Inissianik attartortittakkanik tunisaqarnermut tunngasumi, isertitassatut missingikkanik qaffaaneq 2006 tamakkerlugu kontomi pingaarnermi isertitassat sipporlugit isertitaqarnissamik Naalakkersuisut ataatsimut isigalugu naatsorsuutiginninnerannut ersiutaanersoq uppersarsarneqassasoq kissaatigineqarpoq. Isertitassanik nutaamik missingiinerup tassanngaannartumik tulleriarinermut ersiutaannginnerata uppersarsarneqarnissaa siunertaralugu taamatut uppersarsaanissaq pisariaqartutut isigineqarpoq.

Tassunga ilanngullugu Paamiuni inissiarsuarnik isaterinissamik suliassaq pillugu paasissutissanik annertunerusunik pissarsisineqarnissani ataatsimiititaliap kissaatigaa. Tassunga ilanngullugu aningaasartuutissatut missingikkat qanoq pilersimanerat immikkut paasissutissiissutigineqassasoq kissaatigineqarpoq.

Kiisalu qinnuteqaammi ima allassimavoq

*”Suliassamut nr. 060.97.602 B-1245-mik iluarsartuussineq, Nuuk, aningaasaliissutit Nuummi B-1245-p (Blok P-p) silataani iikkanik iluarsartuussinissamut immikkoortinneqarput.*

*Suliassap ilaannaa naammassineqarpoq, Blok P ingutserneqassanersoq imaluunniit iluarsartuunneqassanersoq aalajangernissamut teknikkikkut aningaasaqarnikkullu tunngavissamik peqartoqanngimmat.”*

Blok P pillugu Naalakkersuisut pilersaarutaat pillugit paasissutissat Aningaasaqarnermut Ataatsimiititaliamit qinnutigineqarput. Tassunga ilanngullugu silataani ikkaanik iluarsaaneq naammassineqanngitsaq najugaqartunut qanoq pitsaanngitsunik kinguneqarsimanersoq paasissutissiissutigineqassasoq kissaatigineqarpoq.

### **Aningaasaqarnermut Ataatsimiititaliap aalajangiinera**

Apeqqutininik siuliani allassimasunik Naalakkersuisut akissuteqarnissaat siunertaralugu Aningaasaqarnermut Ataatsimiititaliap isummernissani **kinguartippaa**. Naalakkersuisut akissuteqaataat kalaallisut danskisullu allaganngorlugu taamatullu qarasaasiakkut uunga nassiteqquneqarpoq: nch@gh.gl.

Inussiarnersumik inuulluaqqusillunga

Ellen Christoffersen  
Aningaasaqarnermut Ataatsimiititaliap siulittaasua